



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, M. DCC. XIX.**

Casus II. Argumentum. Reperto ex intervallo instrumento fundationis
Cappellaniæ, si in eo legatur impositum Cappellano solum onus officiandi
unum Altare pro Anima Fundatoris, & nulla fiat mentio de ...

[urn:nbn:de:hbz:466:1-72172](#)

ARGUMENTUM.

Reperto ex intervallo instrumento fundationis Cappellaniæ, si in eo legatur impositum Cappellano solum onus officiandi unum Altare pro Anima Fundatoris, & nulla fiat mentio de onere celebrandi Missam, an Cappellanus teneatur continuare in celebrazione Missarum pro Anima ejusdem Fundatoris, vel potius hac omissa; recitare D. Officium in Choro cum Canoniceis.

SUMMARIUM.

- 1 *Imposito onere Cappellano in limine fundationis officiandi unum Altare pro Anima Fundatoris, idem Cappellanus tenetur Missam celebrare pro Anima ejusdem Fundatoris.*
- 2 *Verbum officiare est equivocum, & sumi potest pro recitare Psalmos, & pro celebrare Missas.*
- 3 *Quando sumatur pro celebrare Missas? Vide ibi, & n. 4.*
- 4 *Anima majus suffragium recipit à celebrazione Missarum, quam à recitatione horarum Canonicarum.*
- 5 *Si reperiatur instrumentum Fundationis, & Beneficiatus non sit qualificatus ad formam illius; an ipse vigore suæ provisionis possit retinere dictum beneficium, vel potius indigeat dispensatione, quæ dicitur perinde valere, & an hæc sit ei concedenda.*
- 6 *Cappellanus tenetur deferre Pluviale, & observare alia onera in Tabellis praescripta, quando non reperitur instrumentum fundationis eorumdem onerum exclusum.*

C A S U S II.

Expositus fuit in S. Congregatione Concilii sequens Casus. Editis anno 1525. ab hac Sacra Congregatione

notissimis Decretis de celebratione, & reductione Missarum, Capitulum Parochialis, & Collegiatæ Ecclesiæ S. Laurentii Florentiæ compositum ex Cappellanis triginta tribus distributionum participantibus, aliisque sexdecim non participantibus, sed præbendam omnibus habentibus scutor. 15., supplicavit die 12. Januarii anni 1630., ut Missæ, quas dicti Cappellani sine applicatione, aliisque receptis eleemosynis celebrabant, reducentur ad manualem eleemosynam juxta reddituum proportionem cuiuscumque Cappellaniæ, cum onere Cappellanis illas pro Fundatoribus applicandi, & facultate pro reliquis Missis eleemosynam recipiendi; quæ instantia remissa fuit arbitrio, & conscientiæ Archiepiscopi Florentini. Iste autem expensis Cappellaniarum redditibus, de quarum fundatione non constabat, certum numerum Missarum pro Fundatoribus applicandarum per Cappellanos præfixit, & inter cætera mandavit, ut Cappellanus Cappellaniæ Conceptionis B. M. V. Missas biscentum triginta, ut supra celebraret; Modernus Cappellanus fundationem ejusdem Cappellaniæ in præsens producit, in qua Angela Fundatrix per actum donationis inter vivos expletum ab anno 1458. mandat eligi unum Cappellatum Ecclesiæ S. Laurentii ad officiandum, & qui officiare debeat in dicta Ecclesia unum Altare, seu Cappellam initulatam sub nomine Conceptionis B. M. V. pro Anima dictæ Agnolette &c., ut faciunt Cappellani dictæ Ecclesiæ S. Laurentii in Cappellis dictæ Ecclesiæ &c., & etiam cum paço, quod Cappellanus sic eligendus teneatur, & debeat facere quolibet anno in perpetuum duo Anniversaria, seu Officia pro Anima dictæ Agnolette &c. in die Festo Conceptionis V. Mariae, & alium in die sequenti, in quibus Anniversariis celebrentur una Missa canenda, & viginti Missæ planæ pro quolibet =. Prætendit Cappellanus abolendum esse onus Missarum biscentum triginta modo, & forma, quibus supra impositum ea præcipua ratione, quia verbum *Officiare*, potius Sacram Psalmodiam Chori in Horis Canoniceis, quam celebrationem Missarum denotet; Disputatum proinde fuit dubium = *An*, & ad quæ onera Missarum, & Anniversariorum, & ad eorum applicationem pro Fun-

Fundatrix Cappellanus orator teneatur.

- 1 Studens in hac Causa meum aperiendo vōtum sentiebam, dictum Cappellanum teneri ad duo Anniversaria, & ad Missas ad formam Decreti Archiepiscopi; & nullatenus hæc onera adimplere omittere posse; Cappellania namque hujusmodi non solum habet annexum onus duorum Anniversariorum quolibet anno, verum etiam habet onus celebrandi Missas ad Altare Sanctissimæ Conceptionis, dum Fundatrix voluit quod Cappellanus Officiare debeat in dicta Ecclesia Collegiata S. Laurentii unum Altare, seu Cappellam intitulatam sub nomine Conceptionis B. V. Mariæ pro ejus, suorumque Animabus, ut faciunt alii Cappellani dictæ Ecclesiæ S. Laurentii in dictis Cappellis dictæ Ecclesiæ, & debeat facere quolibet anno in perpetuum duo Anniversaria, seu Officia pro Anima &c. Verbum,
- 2 autem Officiare cùm sit æquivocum, & sumi possit tam pro recitare Psalms, quam pro celebrare Missas, cum nomine Officii veniant ordinata tam in Breviario, quam in Missali, concurrunt hic quamplures conjecturæ, quæ verisimiliter suadent Fundatricem voluisse sumere verbum Officiare, pro celebrare Missas.

- 3 Prima conjectura est, quia verbum Officiare fuit directum à Fundatrice non ad Ecclesiam, ad cujus Altare majus recitantur horæ Canonicae, sed particulariter ad Altare Sanctissimæ Conceptionis; etenim si nomine Officiare intellexisset Fundatrix recitare horas Canonicas, non autem celebrare Missas, illud direxisset ad Ecclesiam Collegiatam, & non ad particulare Altare; aliás cùm etiam manda- verit, quod suus Cappellanus officiare Altare Sanctissimæ Conceptionis, ut faciunt alii Cappellani dictæ Ecclesiæ Sancti Laurentii in Cappellis ejusdem Ecclesiæ tot effent Chori, quot Cappellæ, seu Altaria.

- 4 Secunda est, quia voluit, quod Cappellanus officiaret Altare pro Anima sua, ac suorum, adeout intendit suffragium Anima; majus autem suffragium Anima recipit à celebratione Missarum, quam à recitatione horarum Canonistarum. *Amo- staz. de Caus. piis lib.2. cap.3. n.4. & seq. Pignattell. consult. Canonic. 139. num.11. & 13. tom.1.*, & consequenter nomine

Officiare Altare, voluit celebrationem Missarum; Et ita resolutum fuit ab eadem S. Congregatione in Florentina Abolitionis oneris 11. Decembbris 1717. *2000*

5 Supponamus, quod simplex Clericus ætatis viginti annorum e. g. obtinuerit Beneficium A, obtineri solitum à simplicibus Clericis ea ætate constitutis: si deinde reperiatur Instrumentum fundationis, & ibi legatur, quod dictum beneficium sit actu Sacerdotale, sit residentiale, & requirat ætatem triginta quinque annorum; queritur an Præfatus Clericus non qualificatus ad formam fundationis, possit retinere dictum beneficium, vigore suæ provisionis, vel potius indigat dispensatione, quæ dicitur *Perinde valere*, & an hæc sit ei concedenda?

Respondeo non posse præfatum Clericum vigore suæ provisionis retinere dictum beneficium, utpote non qualificatum ad formam hujus fundationis, sed indigere dispensatione, quæ dicitur *Perinde valere*; & hanc esse ei in hoc casu concedendam, attenta ejus bona fide, qua fuit adeptus possessionem beneficii, nec non præcedenti observantia, qua ejusdem Prædecessores in statu solius Clericatus id Beneficium sunt assequuti, & in ætate minori, quam annis triginta quinque; ac attento, quod nullus existat contradictor, ut in terminis hujus casus resolutum fuit à Sacra Congregatione Concilii in Parmen. dispensationis 12. Aprilis 1710.

6 Supponamus è contra, quod non reperiatur Instrumentum fundationis Cappellaniæ erectæ e. g. in Ecclesia Cathedrali; & Cappellanus renuat adimplere onera ab Episcopo in Tabellis præscripta; & usque adhuc ab omnibus Cappellani pro tempore observata, eo præcipue fundamento, quod in aliis fundationibus Cappellaniæ erectarum in eadem Cathedrali dicta onera non inveniantur; Quero an idem Cappellanus teneatur observare eadem onera in dictis Tabellis demandata?

6 Respondeo affirmativè, quia cum non inveniatur instrumentum fundationis, & Tabellæ fuerint continuo ab omnibus Cappellani pro tempore observatis, non est proinde permisum moderno Cappellano se à prædictis oneribus in Tabellis

præ-

præscriptis eximere; ut novissimè resolutum fuit ab eadem S. Congregatione Concilii in Callien. 4. Martii 1719. ubi mos est antiquus Ecclesiae Calliensis, quod sicut Tabellæ, tum pro diebus, in quibus Sacerdotes debent deferre Pluvialia, tum pariter pro diebus, & horis, in quibus Missæ sunt celebrandæ, cum autem Patroni cuiusdam Cappellaniæ sub invocatione S. Bernardini in Cathedrali Ecclesia Callensi erectæ contenderent Cappellanum à se nominatum non teneri deferre Pluviale certis diebus, & celebrare certis pariter diebus, & horis præscriptis, uti demandatum fuit ab Episcopo in Tabellis pro regulanda officiatura ejusdem Cathedralis exaratis inter cetera, eo sub motivo, quod licet non inventiatur fundatio dictæ Cappellaniæ, ad sunt tamen alia fundationes aliarum Cappellaniarum, in eadem Ecclesia erectarum, in quibus recensita onera non inveniuntur; hoc tamen non obstante, fuit injunctum eidem Cappellano deferre Pluviale, & Sacrum celebrare certis diebus, & horis præscriptis in Tabellis.

ARGUMENTUM.

An Religioso concedenda sit facultas mutandi dispositionem, & reservationem Jurispatronatus factam de tempore Novitiatus, accedente consensu illius, favore cuius reservatum fuit Juspatronatus.

SUMMARIUM.

- 1 Pontifex concedere potest Regularibus facultatem disponendi, & mutandi dispositionem ab ipsis in saeculo factam.
- 2 Referuntur exempla, quibus hujusmodi facultas disponendi fuit Regularibus concessa.
- 3 Moniali post demandatam in saeculo foundationem Cappellaniæ propriis bonis post suum obitum erigendam non est concedenda facultas mutandi, & disponendi de iisdem bonis favore sui Monasterii. Intellige, ut n.7.

- 4 Regulari non est concedenda licentia revocandi testamentum ante Professionem ab ipso conditum, bæredem relinquendo suum Monasterium; Intellige, ut n.8.
- 5 Religioso est concedenda facultas mutandi antiquam dispositionem, & reservationem Jurispatronatus factam de tempore Novitiatus, quando nova dispositio est rationabilis, & nemini prejudicialis.
- 6 Commutatio voluntatis solet à Summo Pontifice permitti, non obstante Tertii prejudicio merè eventuali, & incerto.

C A S U S III.

TRes, quædam Monialis, dum erat in Novitiatu, & ante Professionem, instituit Cappellanias, & jus ad eas nominandi sibi reservavit, & post suum obitum jus illud detulit ad nonnullos suos consanguineos, quibus deficientibus ad Patrem Rectorem Collegii Societatis Jesu, Civitatis A, absque eò, quod tamen Ecclesiam expresserit, in qua Cappellani deberent Missas celebrare. Cupit modò eadem Monialis, ut à Summo Pontifice sibi indulgeatur facultas disponendi, primo, quod Cappellani nominandi deberent esse ex suis Consanguineis intrà quartum gradum, & in eorum defectu, ex pauperioribus, & magis egenis Sacerdotibus, suo Monasterio inservientibus; Secundò, quod Missæ semper in Ecclesia sui Monasterii celebrarentur; & tertio, quod jus nominandi Cappellanos deferretur ad ejusdem Monasterii Abbatissam, subdendo Patrem Rectorem Collegii Societatis Jesu se promptissimum, & paratissimum exhibere ad renunciandum pro se, suisque successoribus juri nominandi sibi met, vel successoribus suis deferendo post obitum dictæ Monialis. Quo casu quæritur an eidem Moniali concedenda sit hujusmodi facultas?

- 1 De Potestate Pontificia, seu quod Summus Pontifex possit concedere Regularibus facultatem disponendi, & mutandi dispositionem ab ipsis in saeculo factam, nulla est hesitatio; quia cum tota prohibito disponendi tam inter vivos, quam in ultima voluntate quoad Monachos, & Moniales descendat à jure positivo, nimirum à Textu in authentica ingressi C. de Sacrosanctis Ecclesiis, & à cap. quia ingredi-

dien-